

# Y GRAWYS 1

GENESIS 9:8-17; SALM 25:1-10;  
1 PEDR 3:18-22; MARC 1:9-15

---

---

## ● Gweddi agoriadol

Wrth i ni gyfarfod i addoli,  
bendithia undod y bywydau hyn  
a'r gymdeithas sydd yma.  
Wrth i ni adael y cwrdd cysegredig hwn  
bydded i'r fendith a dderbyniwn  
fod y fendith a rown,  
drwy Iesu Grist yn unig,  
yw'n gweddi.

## ● Moliant

Wedi'r storm  
enfys,  
i'n hatgoffa'n lliwgar  
o'r cyfamod  
rhwng Creawdwr  
a chreadigaeth,  
breichiau cariadus Duw  
yn cwmpasu'r byd.

Wedi'r storm  
enfys,  
i'n hatgoffa'n lliwgar  
am gariad grasol  
rhwng Tad a'i blant,  
breichiau cariadus Duw  
yn cwmpasu ein haddoli.

● **Cyffes**

Ynot ti yn unig, Arglwydd,  
y rhown ein ffydd.  
Pan grwydrem  
ar dir garw a charegog,  
estynaist amdanom, a'n codi  
a dod â ni adre yn ddiogel,  
ein bugail da  
yn gofalu yn dyner am ei ddefaid.

Mae peryg i ni grwydro o hyd  
oddi ar y llwybr y'n gosodaist arno,  
ein llygaid yn cael eu denu yn hawdd,  
gwrando ar gân wahanol,  
yn dal i gael ein temptio  
gan ffolineb ieuenctid.  
Nawr gofynnwn yn wylaidd  
am faddeuant  
a'th gariad o'n cwmpas  
i'n cadw rhag niwed.  
Achos ynot ti yn unig, Arglwydd,  
y rhown ein ffydd.

● **Diolch**

Arglwydd, dwyt ti ddim yn cefnu arnom,  
hyd yn oed pan grwydrwn;  
rwyt yn ein harwain yn dy wirionedd,  
yn goleuo llwybr  
y gallwn ei ddilyn yn ddiogel.

Dwyt ti ddim yn cefnu arnom,  
er i ni dy siomi;  
rwyt yn ein bendithio  
wrth i gariad, mor rhyfeddol,  
arllwys i'n calonnau a thrwyddynt  
mewn llif cyson o ras.

Dwyt ti ddim yn cefnu arnom;  
ynot ti yn unig yr ymddiriedwn,  
ac, wrth ymgasglu yma heddiw,  
dygwn yr offrwm hwn  
o foliant a diolch.